

علم اصلاح القلب (سلسلة اصلاح القلوب) (الشيخ احمد جلال)

أحمد جلال

هذا دايما بقول ان ما بعد السفر بتبقى في مرحلة جديدة يعني غالبا احنا بنتهي من رمضان بنادن الدروس المتعلقة ماذا بعد رمضان وبعد كده بييجي سفر الحج او السفر برة مصر سواء للدعوة او لغيرها - [00:00:00](#)

وبنبدأ دايما من بعد السفر ده من مرحلة جديدة يعني دايما بحس كده انه محرم هو بداية جديدة لنا. بداية سنة جديدة لنا. وبازن تبارك وتعالى الدروس الفترة القادمة ان شاء الله يعني ماشية في تلات سلاسل مهمة جدا. اذا ربنا عز وجل احيانا - [00:00:29](#)
واذن لنا ان ندعوه اليه. تلات سلاسل ماشيين مع بعض باذن الله تبارك وتعالى هقول من البداية قبل ما اقول لكم ايه هي السلاسل اظن لا يخفى على الجميع للاحداث العظام اللي بتمر بها الامة الان - [00:00:49](#)

سواء الاحداث المتعلقة بالحروب على المسلمين اصلا لا يخفى عليكم ما يحدث الان في كشمیر او ما يحدس في بورما ما يحدس في افريقيا الوسطى او ما يحدث للمسلمين جميعا عامه - [00:01:11](#)

من محاولة لطمس هوية الاسلام وال المسلمين من محاولة جادة لتغيير العقائد ان العقيدة تبقى جوة الناس مهزوزة والله يا اخواننا انا كنت في حد من احبابنا والده مات ورحنا يعني يعني بعد العزاء رحنا بالليل نعزي بعد الدفنة رحنا بالليل نعزي - [00:01:29](#)
فال قالوا لي فرصة العيلة كلها موجودة. ايه رأيك تكلمهم والكلام ده فمشهد موت والقلوب اصلا كلها منكسرة والقلوب كلها مقبلة على الله. وبعدين ده هو اللي مات ده كان الصبح - [00:01:55](#)

بيقول لهم جهزوا لي الفطار راحوا يجهزوا الفطار رجعوا لاميت المفترض يعني ايه حاجة كده تهز كيان اي انسان وانا بتتكلم اول ما بدأت كلامي قلت لهم انا عايز اسأل لكم دلوقتي سؤال - [00:02:11](#)

يا ترى حال المتوفى الان في القبر ايه اجاب على الاسئلة ولا لا قبر الان روضة من رياض الجنة ولا غير ذلك؟ ودعبيت اسأل الله عز وجل ان يجعل قبره روضة من روض الجنة - [00:02:26](#)

وبدأت اتكلم عن القبر انا لسه بقول باسم الله الرحمن الرحيم. لقيت واحد من العيلة قال لي هو انت اصلا مقتنع ان فيه حاجة اسمها قبر وعذاب قبر ونعميم قبر - [00:02:41](#)

في موقف زي ده الشاب ده زيه كتير العقيدة عنده اصلا اتهزت لا يخفى عليكم اصلا الانهيار الخلقي اللي اصبح فيه الواقع الان. الا ما رحم ربنا عز وجل احنا بنتتم محاولة قتل الاخلاق في نفوس المسلمين بالصورة غير مسبوقة - [00:02:52](#)

ويخصوص اخلاق البنات. ويخص اخلاق البنات ان السكين لو قد فعلها نجح المستعمر الغربي انه يقتل الحياة في نفوس الاولاد وفي نفوس البنات يعني نفترض احنا كانت مصر اليومين اللي فاتوا دول احنا كنا في كارثة كنا في مصيبة - [00:03:20](#)
شباب من الجيش واقف في كمين في سيناء اتضربوا اتصفوا الناس ماتت شباب مات اسأل الله ان يتقبلهم من الشهداء. اسأل الله عز وجل ان ينتقم من قتلهم السؤال اللي انا بطرحه عليكم الان - [00:03:43](#)

المفترض ان في شباب مات. شكل البلد بيقى عامل ازاى؟ احنا فوجئنا ان احنا عندنا مهرجان الجونة المسلمين والفنانين ولا في دماغهم ناس ماتت ولا شباب بيموت ولا بلد بتنهار. مش دماغهم اصلا - [00:04:05](#)

اللي في دماغهم حاجة واحدة ازاى كل واحدة منهم تطلع عارية الصدر والظهر والسكنين بيتنافسوا مع بعض على الوربة وامبارح حفل عمرو دياب. حفل عمرو دياب. موجود فيها طبعا كبار البلد. كبار البلد. والنساء طالعة عارية وغنا ورقص - [00:04:21](#)

وعمالين يتحرکوا ولا كأن في دماء بتسهيل في البلد. عادي خالص عادي خبز الشاهد اللي انا عايز اوصله من الموقفين دول قد ايه

-قدروا ينجلوا ان هم يقتلو في نفوس البنات حاجة اسمها حياء. فعادى جدا تبقى عريانة. وانت لو اتكلمت تبقى اخوانى متشدد -

00:04:42

ازاي يوصلوا لكده اصلا لا يخفى عليكم ايضا حرب بتشن الان على المسلمين فيما يتعلق بتاريخ المسلمين انك دايمما تبقى عايش في مرحلة ان التاريخ الاسلام ده تاريخ دموي مع ان المسألة مش كده خالص - [00:05:05](#)

احنا تاریخنا مليان عز تاریخنا مليان حضارة تاریخنا مليان علم يا اخوانا اوعوا تغثروا او تنفسوا تاریخ امة يعني كنت لسه بقول الكلام ده من يوم فترة يا اخوانا احنا من خمسين سنة من سنتين سنة - 00:05:27

كانت امريكا بتيجي تتصرف من مصر من ستين سبعين تهانين سنة. بريطانيا العظمى تستلف من مصر. بريطانيا العظمى راحت تستلف من اليمن. ام. لها التاريخ. احنا عايزن: تاربخك ده يشهه. احنا امة لنا لغة. ولا يخف. عليكم ايضا الحرب على. اللغة.

00:05:46

الحرب على اللغة العربية ان النهاردة اصبح اه الولاد النهاردة اكتر حاجة بيكرهوها في المواد الایه العربي النحو لغتك تعالى بقى بس عة كده الاربع حاجات الله انا اتكلمت عليهم الله واحد عقدة تجارب اتنى: اختلاة بتجارب ثلاثة تاريخ - 06.06.00

بيحارب اربعه لغة بتحارب مادا يبقى لك؟ انت كمسلم ايه اللي تبقى لك في ظل الحرب الشرسة دي امريكا صارفة تلت اربع سنين من اللي فاتوا دول على الاربع حاجات دول كما صرح الكونجرس مية وثمانين مليار دولار علشان - 00:06:30

تهدم الاربع حاجات دول. في نفوس المسلمين الاربع حاجات دول بس المفترض النهارة الشاب المسلم وهو

المفترض يعمل ايه يبدأ ازاي ابقي انسان مسلم كويس ازاي؟ ايه اول خطوة اخدها - 00:06:53

00:07:15 - اهـ الخطوطـ الـ اـنـ اـسـ عـلـهـ عـلـشـ اـكـونـ اـنـسـ اـسـلـمـ مـتـدـبـ قـوـ

نقول نحن في حاجة الى التربية التي ربى رسول الله صلى الله عليه وسلم اصحابه عليهما احنا
محاتاح: النهاية تربية لولادنا ولبناتنا تربية لولادنا ولبناتنا هذه التربية تحاماً يقد المستطاع ان هـ . تکه، - 00:07:31

تكون موازية للتربية الهدامة اللي بيسعى اليها الغرب الان في بلاد المسلمين. احنا محتاجين النهاردة نرسي اجيال تكون اجيال صالحة دينة. احنا محتاجين النهاردة نطبق الحديث ده برواياته. اللي قال فيه النبي محمد صلى الله عليه وسلم ان هذا الدين بدأ -

00:07:55

غريبها ها وسيعود غريباً. فطوبى للغرباء. قالوا يا رسول الله ومن الغرباء؟ النبي قال روايته الاولى فقال النبي صلى الله عليه وسلم هم الذين يصلحون اذا فسد الناس - 00:08:15

يقي، هو في وقت ما فيه برنامج معدة علشان تفسد الناس.. هو ما شاء الله رب

ونفسه. الرواية الثانية هم الذين يصلحون ما افسد الناس من - 00:08:32

00:08:49 - ملحوظات اخلاقی

و دي سلسالنا اللي احنا هنمشي عليها ان شاء الله ازاي نوصل فعلا انانا اكون انسان صالح علشان اكون انسان صالح لازم يبقى فيه مزاج نعش على الله المنحة ده هم الثالثة سالنا ١٣٠ احنا هنتحدا في هذه مع بعض ان شاء الله تبارك وتعالى في دين الاراحه

00:09:04

العنوان: شارع محمد عبده، الدار البيضاء - المغرب | رقم الهاتف: +212 33 44 12 34 | البريد الإلكتروني: info@darbien.com | تاريخ النشر: 2024-05-15 | رقم المقالة: 123456

لهم اجعلنا ملائكة في سماءك واجعلنا من عبادك واجعلنا من اصحابك واجعلنا من اصحاب انت

الآثار السلبية تيجي من ورا كده كبيرة جدا. ممثلة مشهورة ختمت كتاب الله حفظا. وانتقبت وبعد شوية عادت اسوأ مما كان. ولو

نفسك دايما هو ايه اللي حصل؟ وليه الكل بقى اتهز بعد اما خلعت نقابها وخلعت حجابها وخلعت كل حاجة؟ ده كان اصله ليه الاصل ان في كتير من الاوقات بنهم بالظاهر ونهمليه ونهمل الباطن - 00:10:10

اهتمينا بالظاهر لما سامحوني والله سامحوني. لما شفنا اخ ملتحي واقف في الشارع بيشتمن اقبح الشتايم. هو انا علشان مربي مش عارف ايه ويشتمن باطع الشتايم لاني اهتم بالظاهر ونسني ونسني الباطن - 00:10:26

مع ان الاصل اللي كل الانبياء والمرسلين اهتموا بابن الظاهر كانوا بيهموا بالاليه؟ كانوا بيهموا بالباطل السلسلة الاولانية هي ازاي اصلا ابدأ بالباطل؟ ابدأ بقلبي. ازاي اولا يكون صلاحي ودي اول خطوة من الخطوات - 00:10:46

النفس واصلاح الذات ان هي تبدأ من القلب من الداخل علشان كده هنبدأ مع بعض باذن الله تبارك وتعالى هذه السلسلة هي سلسلة كيف تكون صالحا في نفسك او في ذاتك مستحب غاية لغيرك - 00:11:05

بقلبك بقلبك شف حد ممكن يقول لي احنا ليه نهتم اصلا من البداية كده ان انت تهتم بهذا العلم؟ علم اصلاح الباطن اصلا علم اصلاح القلب علم اصلاح الداخل للانسان. انت ليه تهتم به اصلا - 00:11:20

اقول لك انا لازم كلنا يا اخواننا كلنا نهتم بالعلم ده علم اصلاح القلب ابتداء علم اصلاح الداخل تاني هقول تاني احنا علشان نواجه الحرب اللي علينا محتاجين حاجتين. ان تكون صالحا في نفسك مصلاحا - 00:11:39

دول الحاجتين اللي لازم يكونوا واجبين عليك في زمانا متفقين على كده؟ طيب علشان تكون صالح في ذاتك قبل ما تكون مصلحة لغيرك علشان تكون صالح في ذاتك. محتاج ايه؟ محتاج حاجتين. اصلاح للباطن واصلاح للاليه؟ اصلاح للظاهر. نصلح الاثنين دول. اصلحت الاثنين دول في - 00:11:59

وحياتك انتقل بقى الى المرحلة الثانية هي مرحلة اصلاحك لغيرك ليه نتكلم من البداية؟ ليه قدمنا قبل كل ده؟ ليه قدمنا من البداية؟ علم علم انا بسميه علم اهو والعلماء المستالقين سموه علم، ليه بنبدأ يا ابو حميد - 00:12:18

علم اصلاح القلب الاول. ليه هنبدأ به؟ اولا لان هذا العلم واجب علي وعليك ده مش شيء مستحب يا رجب. ده شيء واجب علي وواجب عليك ما ينفعش تأسر فيه. زي اللي يترك الصلاة اثم. كذلك ايضا اللي يهمل هذا العلم ويترك هذا العلم ايضا اثم - 00:12:34
الامام الغزالى رحمة الله عليه كان بيقول وهذا النوع من طب القلوب. النوع اللي هو طب القلوب اللي هو بيقصد به طبعا اصلاح القلب هذا النوع من العلوم او من الطبع هو واجب تعلمه واجب تعلمه على كل ذي لب - 00:12:57

فالامام الغزالى بيقول لنا ان العلم ده من البداية واجب ولا مستحب ولا مكروه ولا حرام؟ الواجب في علم اصول الفقه معناه ايه لا ده ده دي ثمرة. الواجب في علم اصول الفقه معناه ما امرت به امرا جازما - 00:13:17

وثرته انك اذا فعلت هذا الواجب اجرت وان تركته اثنت فيها لما الامام الغزالى يقول لنا ان العلم ده واجب ان انت تتعلمكه فلازم تفهم. ان ده واجب زي مدرسة العقيدة واجبة - 00:13:41

وزي ما دراسة الفقه الاحكام الشرعية كالصلوة والصيام وجبة. وزي ما الصلاة واجبة. العلم ده واجب ان احنا نتعلمه اتنين هل علم القلوب واصلاح القلوب هل هذا العلم من من اصول ام من الفروع؟ العلوم عندنا نوعين. العلوم الشرعية عندنا نوعين - 00:14:00
في علم بيسموه علم اصل زي العقيدة. وفيه علم بيسموه علم فرع اللي بيسموها علوم الالله. يعني مسلا تعلمكم لعلم مصطلح الحديث. ايه الحكم طب تعلمنا للصرف حكمه فرع والتعلم هذا العلم علم اصلاح القلب حكمه - 00:14:27

مش فرح بل اسمعها مني بل هو اصل الاصول. العلم ده هو اصل الاصول. بيسألوا شيخ الاسلام ابن تيمية عن علم اصلاح فبيقولوا له بيكولوا له اذكر لنا نبذة عن علم اصلاح القلب. فقال وهذا العلم هو من اصول الایمان - 00:14:52

ومن قواعد الدين ومن اهم الاعمال الواجبة على العالمين فيبيقولوهم ان العلم ده ده اصل الدين اصل الدين انك تصلح قلبك طب هو ليه خلى شيخ الاسلام ابن تيمية ليه خلاه ايه اللي خلاه يقول ان علم اصلاح القلب اصل اصل من اصول الدين. هقول لك انا -

محبة الله عز وجل سنة ولا واجب ده علم القلب الخوف من ربنا سنة ولا واجب ده ده متعلق ببرضو بالقلب فهمتم ليه؟ عايز تفهم ليه
كمان ان اصلاح القلب هو اساس واصل من اصول الدين؟ الذي فرق بين المؤمن في زمان - 00:15:44

وبين المنافقين على فكرة المنافق كان بيصلني مع النبي في المسجد هو وابو بكر في صف واحد. رضي الله عنه صح الاثنين بيصلوا
ولو للجهاد بيخرجوا مع بعض ما الذي فرق بين هذا مؤمن وصل لدرجة الصديقية؟ وما الذي اوصل هذا الى درجة النفاق فهو في
الدرك الاسفل من النار؟ هو القلب - 00:16:08

هو القلب اصبح اصل من اصول الدين حسن من اصول الدين الامام الغزالى رحمة الله عليه واحفظوا الكلمة دي. مهمة اووي. الامام
الغزالى بيقول فمعرفة القلب وحقيقة اوصافه اصل الدين - 00:16:37

واساس طريق السالكين انك تعرف قلبك انك تعرف قلبك يتحرك ازاي؟ وما يتحرك ازاي؟ يعمل ايه؟ وما يعملش ايه؟ ده اساس
الدين مؤسسة الدين مبنأة على الاخلاص مثلا الاخلاص ده حركة ايه؟ حركة قلب. خلوا اتنين الان انا وانت. اسمك ايه - 00:17:00
انا وكريم النهاردة بنصلي مع بعض شف انا امام انا اللي بصلني بكم امام وكريم مأمور بس وانا بصلني صليت وقعدت احسن في
صوتي علشان تقولوا يا سلام! الله الله! يا عم الشیخ! قل كمان. انا صليت زياء - 00:17:29

هو جاي بيصلني اخلاصا يسمع مني الاية وسبحان الله لصلاح قلبه. الاية كانت بتنزل عمالة تهزه من جواه فعمال يبكي عمال يبكي
السؤال من من اعظم عند الله اللي كان بيصلني زياء ولا اللي كان بيصلني اخلاصا - 00:17:50

ده الموضوع منتهي اصلا فاللي فرق بينا وبين بعض ما كان في القلب في هذه اللحظة علشان كده الامام الغزالى بيقول ان معرفة
القلب وحقيقة اوصاف القلب قال هي اصل الدين. ده اصل الدين اصلا. قال واساس طريق - 00:18:12

الصالكين العلم ده اللي احنا هندرسه مع بعض ده العلم ده هنحاول بقدر المستطاع نحط ايدينا على موطن الافة اللي موجود عندنا
موطن الافة اللي موجودة عندنا. ونحاول بقدر المستطاع نعرف ازاي نحلها. قبل ما اجي مباشرة. جا لي سؤال. سلام عليكم يا شيخ.
عندي سؤال. اتفضل - 00:18:31

وحدة متدينة وزوجها مسافر ولا شب اتعرفت عليه عن طريق الفيس. اتكلمنا بعض حبينا بعض انا عارف ان ده حرام وغلط وما
يرضيش ربنا وهي عارفة ان ده حرام وغلط وما يرضيش ربنا - 00:18:54

وانا خايف هو بيكلمني وبيبكي. وانا خايف انا مرعوب من وقفتني يوم القيمة بين ايدين ربنا وزوجها واقف قدامي ان انا خنته في
زوجته. بالكلام وانا مش عارف احل المشكلة دي ازاي - 00:19:15

وازداد بقى البكاء ونبرة البكاء زادت قوي وقال لي يا شيخ انا باحبها جدا ومش قادر ادوس على قلبي هذه افة جوة القلب. ده مرض
جوة القلب هذا الشاب اذا لم يقف على هذا العلم - 00:19:34

هيفضل طول حياته في هذا الصراع يبطل شوية ويرجع شوية. حالة زيادة الايمان هيقول لأ. حالة انهيار ايمان داخلي جوة
القلب هيرجع ويتكلم وبعد كده المسألة كانت كلام هتبدا المسألة - 00:19:50

انتم عارفين بقى السلم ودركاته هذا الشاب اذا لم يكن عنده علم يداوي به هذه الافة؟ هلك هذا الانسان. نسأل الله السلامة في الدنيا
والآخرة عشان كده كان دائما العلما واهل التربية علماء التربية والسلوك عندنا كمسلمين - 00:20:06

ودايما بيقولوا لنا انهم ما من قلب الا وفيه افة. كل واحد فينا قلبه عنده افة معينة. فيه مرض معين فلا يخلو قلب من القلوب عن
اسقام لو اهملت تراكمت - 00:20:26

ها ركز بقى. هذه الافات لو اهملت ايه اللي يحصل؟ تراكمت. وترادفت العلل. الامراض هتبداً تزيد فيحتاج العبد منا الى معرفة العلم
الذى به يعالج هذه الافات. هاضرب لكم مثال بسيط يا اخواننا - 00:20:44

انا سمعت صوت كده في العربية عندي هو عبارة عن المكنة كان فيها مسمار سايل عايز بس ايه الصامولة بتاعته وقعت الصامولة
عايزه ايه ها عايزه تربط بس طيب انا لو كبرت دماغي وسبتها ايه اللي بيحصل - 00:21:04

اه اه شوية حاجة هتظهر جديدة. المكنة بتتزه كتير. وهي بتتزه كتير لأنها مشتتة. مش عارف سير ايه اللي قطع. ومش عارف ايه

اللي حصل في ايه ايه مش عارف حصل في ايه ؟ فكل شوية كل يوم بيعدى علي وانا ما عالجتش هذا الخلل اللي موجود. كل يوم العيب ده بيزيدي ولا ما بيزيديش ؟ يا ريت - 00:21:23

بس العيب ده هو اللي بيزيدي بس ده بيجبip جنبيه كمان ايه علل اخرى بتجيip كمان جمبip علل اخرى. ومرة واحدة يلاقي الانسان داخل له في عشرة خمسة اشهر عشرين الف جنيه في الصامولة كانت لو اترتبط من البداية كانت كل حاجة - 00:21:43 هكذا الحال بالنسبة لقلب كل انسان منا بيبقى فيه عيب صغير قد كده. كان عنده حته عشب بالنفس شوية بس. يعني حته عشب بالنفس شوية بس. او تعالوا نضرب مثال - 00:22:00

عبدالله بن ابي بن سلول. عبدالله بن ابي بن سلول كان عنده صامولة عايزه تتربيط. بس ايه الصامولة دي حب الرئاسة اهل المدينة الان بيجهزوا له التاج بتاعه علشان يلبسوه. جه النبي صلى الله عليه وسلم. فتاج ده اتنقل معنويًا من ابن ابي من ابن سلول - 00:22:16

للنبي صلى الله عليه وسلم ده كان عبه اسمه حب الرئاسة. ده كان عيب اسمه ايه ها؟ حب الرئاسة. حب الرئاسة ده وصل لايه وصل لنفاق قولي اه او لا وصل لنفاق؟ اه وصل لنفاق. طب وصل لمعادلة لله ولرسوله؟ - 00:22:37 طب وصل الى انه يشتم النبي ويقع في النبي صلى الله عليه وسلم؟ طب وصل انه في يوم من الايام يقول عن عائشة انه زانية؟ طب ده كله جه منين - 00:22:58

ده كله جاء منين؟ هي قفا واحدة احتياجنا يا محمد لهذا العلم. احتياجنا لهذا العلم. لان ما من قلب الا وله افة. سهل جدا تتعالج اذا تركت هذه الافة تراكمت وتراوافت علل امراض تانية بدأت تخش جوة القلب الانسان ده خلاص راح - 00:23:08 زي بالزبط كده مرض خفي بدأ ينتشر وسط الناس كان زمان يقول ان فيه بعض طلبة العلم بيحبو الرئاسة عايز يبقى هو ايه الشیخ اللي بيسار اليه بالبان عايز يبقى مشهور - 00:23:31

اه عندي مسلا تلات اربع بنات كده في مصر كلها. عايزين يبقو نجمات ومشهورات وممشهورات وممش عارف ايه انما للاسف النهاردة برنامج التيك توك ده كل واحد النهاردة عايزه تشتهر البرنامج ده يشهرها - 00:23:43

فهي تبص على اكتر شيء ممكن تتبدل فيه وتعمله وتدور النهاردة ازاى تظهر حاجة معينة او شيء معين علشان تبقى مشهورة ومشهورة والشاب النهاردة عايز يبقى مشهور فهو بيدور ازاى يعمل اي حاجة علشان يبقى مشهور - 00:24:01 حتى ولو كانت الحاجة دي حاجة ولا لها اي لازمة حب الظهور الانسان منا لما المرض ده بينزل بينزل بحاجة قليلة او اي اذا لم يعالج تراكم. ويزيدي يزيد يزيد. لدرجة ان ممكن اللسان في بعض الاوقات بيفقد قلبه تمام. بل بيفقد دنيته وييفقد اخرته كمان - 00:24:22 احنا في حاجة الى علم اصلاح الباطن علشان نعالج الامراض دي لو في يوم من الايام ممكن نزلت في القلب اللي يخلينا كمان يا اخواننا نأكد على جزئية اهتمامنا بعلم الباطن. علم اصلاح القلب - 00:24:51

دي اول خطوة من خطوات اصلاح الانسان منا لنفسه ان احنا نعلم يقينا مدى تأثير هذا القلب في جوارح الانسان بل مدى تأثير هذا القلب في عمل الانسان اصلا الشاب اللي بيجي يشتكي ويقول لي يا شيخ انا عندي مشكلة كبيرة جدا انا ما بقدر اغض بصري - 00:25:13

هل المشكلة في البصر في الحقيقة المشكلة مش في البصر ولكن المشكلة في القلب وقس عليها بقى الشاب اللي مش قادر يسيب فتنة الواقع الاباحية. او البتت اللي بتحب ولد ومش قادرة تسبيه. او البتت اللي بتحب ان هي تبقى مشهورة ومش عارفة - 00:25:37

هي القصة كلها دلوقتي مش في جوارح الانسان ولكن القصة في حقيقتها متعلقة بقلب الانسان. وده احنا هنعرفه الدرس الجاي ان شاء الله النبي قال لنا ان حقيقة مرض الجوارح - 00:25:53

ده ده دي الصورة. انما الاساس هو القلب. عارف اللي عنده برد؟ الانسان منا لما يكون عنده برد بتلاقي عنده رشح وتلاقي عنده كحة وعفوا عنده بلغم على صدره وبيطلع في الكحة حسان جسمه مكسر - 00:26:08

لما بنروح للدكتور ما بيقولهوش خد الحبانية دي عشان توقف البلغم او اشرب الشراب ده يوقف البلغم ده لو عمل كده معك ما

بيقاش دكتور ناجح اصلا ولكن الدكتور الناجح لما بيروح له شاب بهذه الصورة بيقول له ايه - 00:26:26

بيقول له ايه بيقول له لأ ده ده فيروس فيرس خدم مضاد حيوي للفيروس بناء البرد. لأن احنا لو قدرنا نوقف عمل الفيروس ده ه تكون النتيجة ان كل الصور دي ايه اللي هيحصل لها - 00:26:43

اطروح مما لا شك فيه ان في كتير من الاوقات احنا بنعمل اخطاء الالخطاء دي صورتها ممكن تكون على اليد. صورتها ممكن تكون في العين. صورتها ممكن تكون في الودان. صورتها ممكن تكون في اللسان. بنت بتقعد مع صحباتها تقول احنا يعني انا - 00:26:56

انا ما بعرفش طول ما انا قاعدة معهم انا بشتم انا ما بعرفش اصلا انا اعتعودت على كده القفة اللي موجودة على اللسان دي اصلها اصلا جوة قلبك. هو فيه مشكلة عندك في القلب اصلا - 00:27:14

حتى والله يا اخوانا اللي بيغتاب حد او بيقع في عرض حد ده وان كان الذنب باللسان الا ان اصل الذنب ده فین؟ جوة في الباطن هو في الباطن احنا لو في يوم من الايام شفنا شفنا عربية ما بتتحرکش - 00:27:29

المشكلة في العجل في الازار ولا في الابواب ولا في الشكل الخارجي؟ المشكلة مش في ده كله. الماتور هو اللي فيه مشكلة احنا في كتير من الاوقات عندنا ذنب ظاهرة - 00:27:46

احنا ننفسنا نعالجها مش عارفين نعالجها لأن احنا للأسف لما بنعالجها بتعامل بالزيط معها زي اللي عنده برد. بياخد دواء للرشح والسيد الفيروس انما الانسان الصحيح فعلًا عايز فعلًا يبقى قريب من الله ويصلح الباطن اصلا. هو لازم يفهم من البداية. ان الباطن ده هو الاساس في كل - 00:28:00

ايه اللي هيظهر بعد كده عايز اقول لكم مسلا الشاب اللي احنا كنا بنتكلم عنه من شوية مرتبط بوحدة متزوجة المشكلة هنا فین المشكلة اللي كاينة فينا المشكلة في القلب - 00:28:22

لان ربنا سبحانه وتعالى قال لنا في القرآن من البداية للبنت قال تعالى فلا تخضعن بالقول ها فيبطو مع الذي في قلبه هو من البداية ما اتكلمش معها ولا جراها في الكلام ولا دخل - 00:28:39

في شات ولا ولا كل ده الا بالسبب اصلا ان من البداية كانت عنده مشكلة في القلب وربنا قال للبنات خدوا بالكم من البداية خدوا بالكم في التعامل مع الاجانب عنكم - 00:28:54

بلاش خضوع بالقول. بلاش مياعة في الكلام. بلاش مياعة في الهزار والضحك. ما ينفعش. والا سيطمع فيك من في قلبه مرض وربنا قال برضو لنساء النبي وقال ان الصحابة من المهاجرين والانصار فاذا سألتهمونه متاعا فاسألهون ايه؟ ليه - 00:29:08

ليه؟ ذلك اظهر لقلوبكم وقلوبهن. احنا لازم نعرف ان كتير من الافات اللي احنا بنقع فيها ذنب او معاصي اساسها انما جاء من حركة القلب علشان كده النبي قال لنا من البداية صلى الله عليه وسلم - 00:29:28

قل الا ان في الجسد لمضفة اذا صلحت ها؟ صلح الجسد كله. واذا فسدت فسد الجسد كله. الا وهي؟ شكره الا وهي القلوب الا وهي القلب عايز اقول اذا كنا فعلًا بنرجو ده الامر السادس في ضرورة هذا العلم - 00:29:46

اذا كنا كلنا بنرجو ان احنا نكون قريبين من ربنا سبحانه وتعالى وبين كل انسان منا منازل القرب من ربنا سبحانه ازا كان كل انسان فيما يعني اللي جاي الدرس اللي جاي من سفر واللي بيكلمني يقول لي معلش في ناس النهاردة اصل انا جاي من البحيرة. واللي بيقول لي معلش اصل انا جاي من القاهرة. اللي جاي - 00:30:11

قطع المسافات دي كلها علشان يحضر الدرس وما اتنى الا يريد القرب من الله سبحانه وتعالى انت زات نفسك ما طلبتش التدين في واقع اغلب من فيه على معصية الا لانك تريد انك تصل الى منازل القرب من الله سبحانه وتعالى - 00:30:30

يا اخوانى لازم نفهم كويش جدا ان اخطر شيء يصل به يصل به الانسان الى منازل القرب من الله سبحانه وتعالى ان يصلح الانسان من قبله في حد من علماء المسلمين لا تزال الدراسات الغربية عليه وعلى كتبه غير طبيعية - 00:30:48

بل هم دايما كده كانوا بيقولوا عليه كده هو استاذ علم النفس هم اتنين الامام الغزالى وواحد تاني كده اسمه الحكيم الترمذى احفظوا

الاسمين دول لان هم مهمين قوي هيتكروا معنا كتير - [00:31:07](#)
حكيم الترمذى ده هو حد من المحدثين. من ائمة الحديث الا انى كان توجهه الاساسي انه ازاي يسقط هذه الاحاديث على تربية الناس؟ حياته كلها كانت كده حياته كلها كانت كده. رحمة الله وجزاه الله عنا وعن الاسلام خيرا - [00:31:25](#)

الامام الحكيم الترمذى رحمة الله عليه بعد ما وقف مع حديث الا ان في الجسد لمضفة. علق تعليق جميل جدا. فيبيقول ايه؟ قال فتربيه القلب على راضي رب تربية القلب على مراد - [00:31:45](#)

تؤدي الى منازل القرب بيقول وتربيه القلب على مراد رب تؤدي الى منازل القرب رب قلبك على الحاجة اللي الرب امر بها سبحانه وتعالى نصل الى منازل القرب من الله سبحانه وتعالى - [00:32:03](#)

كان ابن القيم رحمة الله عليه الكلام رائع اللي هو بيقول الاهتمام بتصحيح القلب او لما اعتمد عليه السالكون في طريقه الى الله والنظر في امراضه وعلاجها اهم ما تمسك به المتنسكون - [00:32:39](#)

اصلاحنا لقلوبنا شوفوا الكلام هو بيقول اصلاح القلب دي اعظم عبادة انا بتقرب بها الى الله سبحانه وتعالى ولا يتقرب العبد الى الله عز وجل بقريبة افضل من اصلاح هذا الانسان لربه سبحانه وتعالى - [00:33:02](#)

الامر الاخير احنا ليه محتاجين نهتم بالعلم ده لان احنا لازم نعرف ان الشيطان كعدو لنا علم حقيقة ان المضار على القلب الشيطان عرف ان مضار فلاح الانسان او هلاك الانسان مضاره على القلب - [00:33:30](#)

النهاية الشيطان لما بدأ يتحرك مع الانسان ما تحرك الا على الایه الا على القلب فا قبل عليه بالوساوس واقبل عليه بشهواته وزين له الاقوال والاعمال ما يصدده به عن الطريق - [00:33:54](#)

ما يصددهم به عن الطريق وان اولى ما يهتم به الانسان في طريقه الى ربها محاربة عدوه باصلاح قلبه فده اهم حاجة عندنا دلوقتي اهم شيء عندنا انك تبقى عينك على قلبك - [00:34:12](#)

تبقي عارف كوييس جدا الامراض اللي فيه ايه عشان نبدأ نعالج وعارف كوييس جدا اعمال القلب اللي تقرب من ربنا ايه؟ علشان تعملاها وبالتالي تنام منازل القرب من ربكم سبحانه وتعالى - [00:34:30](#)

أهمية القلب ده العنصر الثاني معنا النهاية الاجر أهمية القلب عندنا كمسلمين أهمية عظيمة جدا واحاول بقدر مستطاع زي ما احنا ماشيin كده من اول الدرس نقاط ورا بعضها بحيس يسهل حفظها - [00:34:47](#)

ويبقى سهل علينا جدا ان احنا نبدأ نطبقها القطر الاول اول أهمية تدلك على قد ايه القلب ده مهم انه ما من حركة ولا سكتة يؤديها العبد الا منشأها الاساسي منين - [00:35:09](#)

الا كان منشأها الاساسي من القلب لذا يقول العلماء لولا البواعت والابرادات في القلوب لما حصلت افعال الجوارح اعمال الجوارح كلها مبنها على القلب القلب هو المحرك للكل حتى ان النبي صلى الله عليه وسلم يقول لك ان ايمانك كايمان لا يستقيم ابدا الا بصلاح القلب. لان اليمان مجموعة من الاعمال الباعث عليها - [00:35:28](#)

القلب. لذا قال صلى الله عليه وسلم لا يستقيم ايمان احدكم حتى يستقيم قلبه. اتنين ان الاعمال عشان اقول لك قد ايه القلب مهم. عايزين نصلحه شوية تاني حاجة ان حقيقة العمل المقبول عند الله - [00:35:59](#)

مبني على ما كان في قلب الانسان والتفاصل بين الاعمال مبناه على ما في قلب الانسان احنا ممكن احنا الاثنين نتصدق كل واحد منا بصدقه معينة ولكن احنا في الاجر بینا وبين بعض كما بين السماء والارض - [00:36:21](#)

وممكن العمل البسيط او اللي بيقي الانسان بيعمله بقلب صادق العمل البسيط ده بيقي من اعظم الاعمال عند الله سبحانه وتعالى اتنين دخلوا الجهاد مع بعض واحد منهم دخل يجاهد علشان الغنية - [00:36:45](#)

واحد منهم دخل يجاهد من اجل دين الله سبحانه وتعالى الاثنين في العمل واحد ولا لأ واحد ولكن في الاجر تماما هقول لك برضوا اتنين الان بيصلوا مع بعض والاثنين مخلصين - [00:37:15](#)

ولكن واحد صلى صلاة اقبل عليها محبلا لله سبحانه وتعالى خاشعا قلبه في الصلاة والثاني اللي عمال مشغول بدنيته. ايهم اعظم عند

الله رغم ان الاثنين في العمل واحد في الصورة واحدة والاثنين في الاخلاص واحد - 00:37:32

ايهما اعظم عند الله علبة الصحابي الكريم علبة ابن زيد لما النبي قال للصحابة يوم غزوة تبوك عايزين نجهز جيش العسرا عثمان قام وجهز الجيش جهز الف واحد من الجيش - 00:37:51

طيب علم ابن زايد ما عهوش اي فلوس بس قام بالليل يصلي ويدعى ويبيكي ويقول يا رب حثنا نبيك على الصدقة ولا املك شيئا.انا ما عييش حاجة انا ما عييش فلوس - 00:38:14

انا عييش والله يا رب لا املك من هذه الدنيا الا عرضي يا رب اني امسيت اتصدق بعرضي على من وقع فيه. دي الحاجة الوحيدة اللي اعرف اتصدق بها اصلا - 00:38:36

النبي صلى الفجر وطلع لقى استنى الصلاة جامعة الناس كلها مجموعة ويطلع يخطب النبي في الناس وينادي ويقول اين المتصدق بعرضه البارحة مين اللي تصدق بعرضه البارحة قوم عضو وقل انا يا رسول الله والله ما اردت الى الخير. قال ابشر يا علبة - 00:38:52

فان الله قد تقبل صدقتك البارحة مع الزكاة المفروضة. خلاك انت وعثمان في درجة واحدة هو ما عملش حاجة اصلا لا خد بالك خد بالك ما قام في قلب علبة ابن زيد في هذا الوقت - 00:39:16

حاجة عظيمة جدا عند ربنا سبحانه وتعالى فاكرين زمان قصة الجنية اللي انا كنت قلتها لكم مع شيخنا الشيخ عبدالعزيز لما قلت لكم الشيخ من اشهر علماء المسلمين في علم القرآن رحمة الله عليه رحمة واسعة - 00:39:34

الشيخ كان امام مسجد الملك خالد في الرياض وحد بقى كده من الناس كده ما بيصليش وراث الامراء بس وخلاص بعد بقى عمر طويل الشيخ كبر قال اجي بقى ابني بيتي هنا - 00:39:53

فهو بيبني بيست هنا كده في شوارع جانبية بتاعة شارع الترعة واقف بقى ومتكة على العصاية كده وهدومه بقى متهدلة اسمئت والناس بتبني فجاء على الرصيف كده قعد وحط ايده على الايه على العكايز كده - 00:40:09

واحدة فقيرة جدا فقيرة يعني بتتح تراب لقيته كده واقف عايزه تروح طلخة في اي كتات اركب بالاثنين جنية توصل طلخة فلقيت الشيخ قاعد كده وشكله فقير قالت له والله العظيم يعني انا شفتكم صعبت علي - 00:40:23

والله انا ما عييش الا الاثنين جنية ده هم خدوا موت لك بهم اكل ولا حاجة وانا همشي ايه هتمشي لحد طلخا مش هركب طب استنى يا ستي تقول له لا والله مات - 00:40:38

سبحان الله يعني فقير وبيتعفف كمان ويودي الشيخ السوق بتاعة خدها وصلها لحد المكان والشيخ بالليل يعني الاثنين جنية يا اخواننا الاثنين جنية. الشيخ بالليل ياخذ السوق ويقول له توديني عند المستدي. يروح عند المستدي يلاقي كوخ كده - 00:40:52

القاعدة فيه هي وعيالها اللي بتربتهم وولاد بنته اللي ماتت ايتام بتربتهم الشيخ سبحان الله بيقول دخلت واديتها اللي فيه النصيب وانا خارج صعبان علي البيت طين فيبيقول وانا خارج امير سعودي من اللي كانوا بيحفزوا عندي قرآن ازيك يا شيخنا ومش عارف ايه انا معي مبلغ كبير من الصدقات عايزين عايز اتصدق به. قال له والله حصل واحد اثنين ثلاثة - 00:41:12

اربعة قال له ابني لها بيت اربع تدور السؤال السؤال هو ليه الامين يتصل في الوقت ده وليه الشيخ قلبه يتحرك ناحية المستدي هي دفعت ميت مليون جنيه مسلا - 00:41:34

لا يا اخواننا هو ما قام في القلب عند اداء العمل الذي يقوم في القلب عند اداء العمل هو ده اللي ربنا سبحانه وتعالى بيخلي العمل بيتفاصل علشان كده النبي قال لنا في حالة المستدي حالة المستدي اشتربت باثنين جنية باثنين جنية في الدنيا. الله اعلم ما لها عند الله. اللي اشتربت باثنين جنية في الدنيا - 00:41:52

اربع تدور ويجرى عليها اموال ثابتة كل شهر ما اوصلها الى هذا؟ ما اوصلها الى هذا؟ الا ما قام في قلبه ان الجو حر والدنيا شمس وهمشي من الترعة لحد ما تروح الموقف في طلخا - 00:42:12

مش عشان تتصدق به العمل البسيط ده هو يمكن يكون عندنا بسيط ولكن الباخت عليه الداخلي كان كبير عند ربنا فكان هذا البعث

هو سبب كبير جدا ان العمل ده يكبر عند ربنا سبحانه وتعالى. علشان كده النبي قال لنا في الحديث رب درهم سبق ايه - 00:42:27
الدرهم ده ليه سبق مائة الف درهم؟ النبي عليه في الحديث الصحيح كده. رب درهم سبق مائة الف درهم. واحد يتصدق بجنيه
وواحد يتصدق بمليت الف جنيه ولكن الجديد ده عند ربنا افضل من مليه الف. ليه يا اخوانا ما كان في قلب الانسان في هذا الوقت.
واحد النهارده يسمع الدرس. وان انت لازم تفرح - 00:42:47

والدك وتفرح والدتك وتسعدهم يقول لي انا النهاردة معيش الا عشرة جنيه المفترض آآاكل بها واشرب بها قلت لأ هجيب لوالدتي
كارت شحن بعشرة جنيه جبت كارت الشاحن بعشرة جنيه علشان يعني افرحها - 00:43:07

يجي لي واحد يقول لي احنا عندنا عمارة هنا بتتشطب ممكن تيجي تشطبها لنا فانا عندي شغل فانا كلمت واحد صاحبي في عمارة
تيجي تشطبها قال له اه. قال له طب هتديني عمولة كم؟ قال له انا هاديك خمس تلاف جنيه - 00:43:24
هي القضية عند ربنا. القضية عند ربنا. العشرة جنيه ولا الاثنين جنيه بتوع السنت؟ لا. القضية عند ربنا ما كان في قلبك عند اداء العمل
شف القلب ممكن يخلی عملك عند ربنا عامل ازاي. لذا قال رسول الله صلى الله عليه وسلم ثلاثة يحبهم الله وحب الله لهم اشد. ثلاثة
يحبون - 00:43:40

الله ويضحك لهم ويستبشر بهم. ان ربنا يضحك لك قال النبي صلى الله عليه وسلم في الحديث الصحيح الذي رواه احمد ومن ضحك
الله له دخل الجنة بغير الناس دي ليه يوم القيمة تخش الجنة بغير حساب لما كان في قلبه في الوقت ده. ايه بقى ايه التلات اعمال
دول؟ قال اما الاول قوم كانوا في - 00:44:00

فنزلوا في مكان هبناهموا بقى وقام فناموا جميعا فقام واحد منهم يصلى ويدركني انك كنت في القاهرة رحت مشوار صد رد في
التحرير طول النهار بتخلص اوراق الحاج مش عارف مين بيعت لك للحاجة انت اتبهدلت. راجع خلاص ما انتاش - 00:44:22
شایف قدامك ودخلت بص على السرير وانت حاطط دماغك على السرير كده افتقربت ان ربنا وفلك النهاردة في الاوراق صلوا
ركعتين بس انا فعلا حقيقة مش شایف قدامي طب بص قم صل ركعتين الوتر والنبي - 00:44:46

خلصوا ركعتين الوتر وانت في قمة تعبك الركعة دي تساوي ايه عند الله ده انت ممكن يكون توفيقك في الدنيا والآخرة كله كان مبناه
على الركعة ده وخش الجنة بغير حساب. في الركعة دي. الرجل ده النبي بيقول انه يدخل الجنة بغير حساب في ركعتين صلام
قبل ما يناموا - 00:45:03

طب وال الثاني وال الثاني قوم كانوا يجاهدون فانهزموا بقى لي انا هاجري بقى افر انا كمان تتذكر دينا. انا ديني يتغلب الناس كلها
بتفرز هو قام راجع بوشه اما ان ينصره الله عز وجل واما ان ينال الشهادة - 00:45:27

فهذا يحبه الله وحب الله له اشد والثالث الثالث رجل فقير مسكسين يحتاج سأل قوما بالله الناس كلها رده وهو يعلم ان الانسان ده
صاحب حاجة. فتختلف هذا الرجل فاعطاه - 00:45:53

ان كل الناس ماشي في اتجاه وانت بقلبك ماشي في اتجاه العمل البسيط اللي انت عملته ده يفرق كثير جدا عند ربنا احنا واحنا في
غينيا كنا بنبع على بير كده كنا بنحرفة - 00:46:10

تبص على البير كده انت مش شایف اخره تحت خالص والبيت تبع عليه انت في عز النهار ضلعة اللي انا بقوله لكم ده نقدر نفهم به
حديث لماذا شكر الله للبغي لما نزلت لتسقي الكلب - 00:46:23

اللي هينزل البير ده ممكن ما يطلعش ولكن اللي قام في قلتها دلوقتي ان هي ترحم ايه ؟ ترحم الكلب ده اللقاء اللي قام في قلتها في
هذا الوقت يا نهار ابيض - 00:46:40

اختنا المنتقبة اللي في شهر سبعة وفي شهر تمانية في عز الحر الناس يعني حد بيقول لها تعالى بسرعة ده فلانة مريضة. فنازلة يعني
الجو حر طب انا هنزل بالليل. طب هي محتاجاكي دلوقتي - 00:46:55

محتاجاكي دلوقت وماشي في الحر وهي من تحت النقاب بتتصب في مية. حنفيه مية مفتوحة انت عملتني كده ليه ؟ والله بص انا انا
ما نزلتش الا علشان ارضي ربنا سبحانه وتعالى - 00:47:08

ده اللي بيخللي العمل عند ربنا كبير اوي اختم بالحديث دهون العشاء اذنت ولا لسه؟ اذنت؟ طب اختم بالحديث ده و فيه يقول النبي
صلى الله عليه وسلم في ليالي البرد - 00:47:24

ان العبد يعالج نفسه الى الطهور الجو برد قوي والماء باردة العبد قائم بالليل كده بيعالج نفسه الى الطهور ويعالج نفسه الى الصلاة.
عشان يصلى ركعتين بالليل فيرى الله منه هذا - 00:47:41

ربنا يرى منه ده يقول الله عز وجل للذين هم من وراء حجاب انظروا الى عبدي هذا يعالج نفسه الى ظهوره. لل موضوع يعني للميه
ويعالج نفسه الى الصلاة ما يريد عبدي - 00:48:02

وتقول الملائكة اي رب يرجو رحمتك ويخشى عذابك فيقول الله عز وجل اشهدكم ملائكتي ان ما سألكي عبدي هذا الان فهو له اللي
كان في القلب في اللحظة دي انت ممكن بحركة قلبك تصل لمنازل عالية جدا. بس لو قدرت فعلاً تعرف ازاً يتعامل مع الكل. نرفع
الاذان ونكمم ان شاء الله - 00:48:20

السلام عليكم ورحمة الله وبركاته باسم الله والحمد لله والصلاه والسلام على رسول الله صلي الله عليه وسلم وبعد تعالوا بقى اللي احنا
اتكلمنا عنه الان نحطه في قلوبنا ودایما يا اخواننا انا هكر معكم اسماء علماء كتير واحدنا بنتنا نقاش في الدرس - 00:48:47

عشان نفهم ان الناس دي تعبت قوي عشان توصل لنا الدين القانون بيقول لنا بعد كده نوصله لكم من كلام شيخ الاسلام رحمة الله
عليه ان في الفعل بالفعل ان ربنا سبحانه وتعالى - 00:49:08

لا ينظر انت صليتكم ركعة ولكن نظرة الله الحقيقية لما كان في قلبك عند الصلاة شيخ الاسلام بيقول ايه بيقول والعبد قد يأتي
بالحسنة بنية وصدق وخلاص يقول اعظم عند الله عز وجل من اضعافها - 00:49:28

قال الامام ابن القيم رحمة الله تلميذ شيخ الاسلام فوضح الصورة اوضح واكثر وقال رحمة الله ان الاعمال عند الله لا تتفاضل بصورها
ولا بعدها الاعمال عند ربنا سبحانه وتعالى لا بالسورة ولا بالعدد - 00:49:52

مش معنى ان ده صلي عشرين ركعة يبقى افضل عند ربنا من ان يصلى ركعة وقال ان الاعمال لا تتفاضل عند الله. بعدها ولا بصورها.
وانما تتفاضل بتتفاضل ما في القلوب - 00:50:11

الاعمال بتتفاضل بتتفاضل ما في القلوب. انا لا انسى في سنة كنا معتكفين وكان حد من الشباب المعتكفين كانت جات له نزلة برد
قوية جداً يا عيني مش قادر يقف - 00:50:26

قلنا له ريح الليلة دي ما تتبعيش نفسك في التهجد ولا في القيام ريح. علشان احنا داخلين على الليالي الفردية اهتم شوية بها ان شاء
الله والله يا اخوانا والله - 00:50:41

انا لا انسى ابداً الاخ ده اللي قدر يصليه معنا ركعة واحدة ركعة واحدة عارفين صلوها ازاً الله اكبر معتمد على الایه على الحيطه هو
وصلنا ايه وصعب عليه انه يتعدى عليه ليلة من ليالي رمضان وبخاصة في العشر الاواخر وما يصليش قيام - 00:50:54

صلى وهو رامي نفسه على الحيطه ممكن يكون العمل ده افضل عند ربنا عز وجل. من واحد بيصلى من العشاء لحد الفجر. عدداً بس
عدد وخلاص عشان كده انا دايماً بقول لكم اهتموا قوي وانتم جايين تعملوا اي عمل صالح - 00:51:25

اهتم اوي قبل سورة العمل وعدد العمل اهتم اوي باللي في قلبك في هذا الوقت وشيخ الاسلام ضرب سبع امثلة نذكرهم بسرعة
ونختم درس النهاردة وانا عايز اقول لكم احنا مهم قوي الحته دي في درس النهاردة - 00:51:44

ان اعمال عند الله عز وجل لا تتفاضل بصورها ولا عددها وانما تتفاضل بما في قلب العبد عند ادائها وقال رحمة الله فتأمل حدث
البطاقة التي وضعت في كفة يقابلها تسعة وتسعين سجلاً من السينات - 00:52:01

تأمل كيف تنقل هذه البطاقة وتطيشه السجلات؟ فلا يعذب هذا العبد. لما قام في قلبه من خوفه من ربه عز وجل وتأمل ما قام في
قلب قاتل المئة نفس قاتل المئة نفس لما جت عليه لحظة خلاص انا لازم اتوب انا مش هيئفع حياتي تبقى كده - 00:52:22

رغم ان هو كان بيکايد السكريات في اللحظة دي لما العالم بيقول له لازم تسيب ارضك اترك ارضك فانها ارض سوء وادهب الى ارض
كذا فان فيها قوم يعبدون الله. فابن القيم بيقول شف شف الرجال ده ازاً بيکايد السكريات ومش مشغول بالسكريات هو مشغول -

دلوقي انه يروح فين انظر ما قام الى قلبه فهو يتنعم الان في الجنة ينظر الى حال البغي. التي رأت كلبا يلهث من يلهث الشري من العطش. ما قام بقلبها في هذا الوقت - 00:53:03

ان هي ممكن تخاطر بنفسها. تخاطر بحياتها علشان تسقي الكلب رحمة به. الرحمة بحيوان في وقت زي ده يفرق كتير قوي يا اخوانا ربنا سبحانه وتعالى ربنا سبحانه وتعالى التفاضل عنده ميزان العمل عند ربنا سبحانه وتعالى اللي يتقل العمل عند ربنا - 00:53:20
ما يراه الله عز وجل من قلبك ما يراه الله عز وجل من قلبك. معك اتنين جنبيه هتروح بهم آآرایح طلخا. هتروح بهم شفت حد فعلاً
محتاج فقير فتصدق بالاتنين جنبيه دول وانت في اشد الحاجة لها. وضعك ايه عند ربنا؟ لا وضعك عند ربنا عالي جدا - 00:53:42
مش علشان الاتنين جنبيه علشان اللئام في قلبك في هذا الوقت صحباتك كلهم قالعين الحجاب محجبات والكل عمال يتربق على المحجبة. انت لبست الحجاب. علشان بتحبي ربنا. ده عند ربنا كبير جدا. يمكن اللي قام في قلبك انا عملت كده علشان - 00:54:03
تحب ربنا يكون اعظم اجر عند الله من الحجاب انك في يوم من الايام بتروح شغلك بتروح شغلك. انا بقول للاباء اهو. بتروح شغلك.

وانت في الشغل بتجيبي لك حاجة ساقعة وباكوين بسکوت تفطر عليهم او سندوتشين بخمسة ستة جنبيه - 00:54:25
نفطر بهم الصبح وشفت ابنك تحتاج لمحفظ قرآن قلت مش مشكلة انا مش هاكل مش هافطر. واوفر الخمسة جنبيه في التلاتين يوم بمية وخمسين جنبيه اجيب محفوظ قرآن لابني فانت سبت الاكل وسبت الشرب مش مشكلة اتحمل تبقى وجبة الغدا على طول. علشان ابنك يحفظ قرآن يمكن يكون اللي قام في قلبك في هذا الوقت اعظم - 00:54:42

انا دايما بقول واحنا في الحج كده مع ابائنا وامهاتنا تلاقي ام من الامهات طلعت معاش خدت مبلغ من المال باعت حلقتها وباعت دهبها وعملت جمعية وعملت كل ده علشان تطلع الحج نفسها تروح الحج - 00:55:08
وسبحان الله والله يا اخوانا لربما ما يكون في قلب الانسان انه عنده لهفة انه يروح الحج ينال بما قام في قلبه اجر اعظم عند الله عز وجل من ايه - 00:55:24

من الحج نفسه علشان كده احنا بنقول لازم علشان تكون انسان صالح لازم تبدأ بالقلب فما يقوم في القلب عند اداء العمل قد يكون اعظم اجرًا عند الله من الايه؟ من العمل نفسه. من العمل نفسه. وده اللي احنا محتاجينه - 00:55:36
ده اللي احنا محتاجينه. علشان كده ممكن الانسان يعمل عمل بسيط جدا. ولكن يؤجر عليه اجر عظيم جدا. لما كان في قلبه نكتفي ان شاء الله بهذا القدر ان شاء الله الاسبوع القادم ان شاء الله تبارك وتعالى. احنا النهاردة باذن الله - 00:55:54
عندينا حفلة لولادنا سبعين ولد وبنـت كانوا بيحفزوا معانا في الصيف بفضل الله سبحانه وتعالى حضروا دورة القرآن الكريم حفظاً وما شاء الله لا قوة الا بالله يعني النهاردة بقى تكريمهـم توزيع الجوائز عليهم وتوزيع شهادات التقدير عليهم. ان شاء الله هـيكون بعد صلاة العشاء مباشرة ان شاء الله - 00:56:14

باذن الله عنـدنا دكتور في الكلية بيعمل اختبار بسيط مكون من السؤال او اتنين في معظم محاضراته خمس دقائق كده في بداية المحاضرة اسنـاء حل الطلبة مـسـلا بـيـاخـدـ الغـيـابـ بـيـعـمـلـ حاجـةـ. وـالـطـلـبـةـ يـتـكـلـمـونـ اوـ يـنـقـلـونـ الـاجـابةـ منـ بـعـضـهـمـ البعضـ - 00:56:39
وـهـوـ عـلـىـ الدـرـايـاـ بـمـاـ يـفـعـلـونـ. فـهـلـ يـجـوزـ لـيـ انـ اـنـقـلـ مـعـهـمـ؟ بـمـاـ انـ الدـكـتـورـ وـاـضـبـ كـدـهـ اـيـهـ رـأـيـكـمـ يـاـ شـيـابـ اـيـهـ رـأـيـكـمـ اـيـهـ يـاـ وـلـادـ؟ دـهـ
غـلطـ وـالـلـيـ هـيـعـودـ عـلـىـ حـيـاتـهـ اـنـ تـبـقـيـ حـيـاتـهـ كـدـهـ - 00:57:18

صدقـيـ واللهـ هـيـقـيـ اـفـشـ اـنـسـانـ فـيـ الدـنـيـاـ الـاـصـلـ يـاـ اـبـنـيـ اـتـعـلـمـ كـوـيـسـ كـوـيـسـ الـاـمـتـحـانـاتـ الـكـوـيـسـ عـلـشـانـ بـكـرـةـ
باـذـنـ اللهـ اـزاـ ربـناـ سـبـحانـهـ وـتـعـالـىـ شـاءـ وـقـدـ وـبـقـيـتـ اـنـسـانـ مـسـئـولـ وـبـقـيـتـ اـنـسـانـ مـسـئـولـ تـبـقـيـ انـ شـاءـ اللهـ باـذـنـ اللهـ قدـ المسـئـولـيةـ - 00:57:34

احـناـ لـمـ بـنـشـوفـ النـهـارـدـةـ ايـ فـشـلـ مـوـجـودـ مـثـلاـ فـيـ وـظـيـفـةـ ماـ اوـ فـيـ عـمـلـ ماـ كـانـ منـشـأـ الـاسـاسـيـ الطـالـبـ الـليـ اـتـعـودـ عـلـىـ غـشـ المـهـوـ
صـغـيرـ اـحـناـ بـنـسـمـعـ مـنـ وـقـتـ لـلـتـانـيـ اـنـ اـخـوـيـاـ اـخـوـيـاـ فـيـ يـوـمـ مـنـ الـاـيـامـ كـانـ عـنـدـ زـاـيـدـةـ - 00:58:01
وـرـحـناـ لـدـكـتـورـةـ فـيـ مـسـتـشـفـيـ كـشـفـنـاـ عـنـ دـهـ اـدـيـتـهـ دـوـاءـ روـمـاتـيـزـمـ لـلـرـكـبـ وـاـخـوـيـاـ كـانـ بـيـمـوـتـ هـيـ دـيـ جـتـ مـنـيـنـ؟ هـيـ جـتـ مـنـ

الطريقة دي. ان ابوها مسلا كان مش عارف مين ولا مين وكانت بتغش في امتحاناتها في اعدادي وفي سانوي وفي جامعة -

00:58:18

عادي فطلع النموذج ده طلع النموذج ده المهندس اللي بيعمل طريق وي العمل الطريق ده بعد عشرين يوم الطريق بيبوظ هو ده كان في البداية طالب فاشل كده. مبني حياته على الغش - 00:58:38

وهو كان بيغش في ابتدائي وغش في سانوي وغش في جامعة. فلما طلع لما جه يحط المواصفات معينة بتاعة الاسفلت تغش فيها واصبحت حياته كلها كده. فالناس بتموت على الطريق بسبب الغش اللي ابوه غرسه فيه من وهو صغير - 00:58:54

احنا مش عايزين بس مش عايزين النموذج ده احنا عايزين نموذج انا عارف كوييس جدا اللي بيدور في دماغك ان دي مواد ما بتهمت يعني ما فييش من وراه منفعة ومش بس غلط يا اخواننا غلط هو مبدأ - 00:59:11

مبدأ انك ما ينفعش تغش اللي هيتعود على الغش في الحاجات الصغيرة بكرة هيغش فين؟ في الحاجات الكبيرة. هو اللي اتعود ان ايديه تتاخد الحاجات الصغيرة بكرة ايديه تتاخد الحاجات الكبيرة. احنا محتاجين دايما - 00:59:23

على المبدأ. انا مش هغش. انا اجتهد واعمل اللي علي وباذن الله اكون على يقين ان ربنا يوفقني. حتى ولو كان في في سؤال بسيط. على فكرة في حاجة عند علماء النفس بيقولوها ان اللي بيتعود آآ هو الدكتور قاعد وشاييف واحنا مش في امتحان واحنا بننقل من بعض والاسئلة دي ما علهاش يعني - 00:59:35

لأ هي القصة كلها ان انت لو اتعودت على ده في المحاضرة بكرة في الامتحان هتعمل ايه هيبقى سهل عليك جدا انك تعمل كده لا انا ارى ان هذا لا يجوز وما ينفعش - 00:59:55

طيب بكرة الخميس صيام ان شاء الله. يا ريت بكرة صيام يا اخوانا ان شاء الله مع بعض نكتفي النهاردة بهذا القدر تبارك وتعالى نكمل الدرس القادم ان شاء الله - 01:00:11

وان شاء الله يا ريت بقى ما حدش يمشي. احنا عندنا حفل بعد صلاة العشاء ان شاء الله نوزع الجوائز كده على ولادنا ولادنا عايزين دعم عايزين تحفيز من الاقصى دعم مادي. انا عايز دعم معنوي - 01:00:30

ان الولاد تبقى حاسة ان هي بتتكرم قدام الناس دي كلها ان شاء الله. فارجو ان شاء الله الكل يبقى معنا في الحفلة باذن الله. جزاكم الله خيرا. هذا وصلى الله على نبينا محمد واله وصحبه وسلم - 01:00:44

هذا - 01:00:54